

VENDIM
Nr. 375, datë 10.7.2025

**PËR DISA NDRYSHIME DHE SHTESA NË VENDIMIN NR. 819, DATË
26.12.2024, TË KËSHILLIT TË MINISTRAVE, “PËR MIRATIMIN E
RREGULLORES SË KANCELARISË SË URDRHAVE DHE MEDALJEVE”**

Në mbështetje të nenit 100 të Kushtetutës dhe të pikës 4, të nenit 26, të ligjit nr. 93/2022, “Për dekoratat në Republikën e Shqipërisë”, me propozimin e Kryeministrit, Këshilli i Ministrave

VENDOSI:

I. Në vendimin nr. 819, datë 26.12.2024, të Këshillit të Ministrave, “Për miratimin e rregullores së Kancelarisë së Urdhrave dhe Medaljeve”, bëhen këto ndryshime dhe shtesa:

1. Në bazën ligjore, togfjalëshi “... dhe të pikës 2, të nenit 53, të ligjit nr. 162/2020, “Për prokurimin publik”, të ndryshuar, ...” shfuqizohet.

2. Në pikën 2, të nenit 3, bëhen ndryshimi dhe shtesa e mëposhtme:

a) Shkronja “b”, e pikës 2, ndryshohet, si më poshtë vijon:

“b) kryen procedurat për blerjen e dekoratave, të parashikuara në nenin 5, të ligjit nr. 93/2022, si dhe të certifikatave e letrave njoftuese të tyre.”;

b) Pas shkronjës “b”, të pikës 2, shtohet shkronja “c”, me këtë përmbajtje:

“c) paraqet, sipas rastit e fushës së përgjegjësisë së saj, pranë Kryeministrit, propozime për akte ligjore dhe nënligjore.”.

3. Neni 4 ndryshohet, si më poshtë vijon:

“Neni 4

Blerja dhe administrimi i dekoratave, certifikatave dhe letrave njoftuese

1. Dekoratat, certifikatat dhe letrat njoftuese, të cilat sigurohen në përputhje me shkronjën “b”, të pikës 2, të nenit 3, administrohen nga Kancelaria e Urdhrave dhe Medaljeve dhe i vendosen në dispozicion, sipas rastit, autoritetit përgjegjës për dhënien e tyre.

2. Shpenzimet për blerjen e dekoratave, certifikatave dhe letrave njoftuese përballohen nga buxheti i Kancelarisë së Urdhrave dhe Medaljeve.”.

II. Ngarkohet Kancelaria e Urdhrave dhe Medaljeve për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku